

# إياك نعبد وإياك نستعين 7\5 فريد الأنصاري irasnAla diraF

فريد الأنصاري

هناك البشر من الأحياء أو من الأموات هو وأنت سيان. أزاء رحمة الله. يعني راه لما نتوجهو كتوليو كيف كيف. بحال بحال كل واحد فينا ضعيف بين يدي الله. كيترجى حتى هو بحالك بحالو. كيترجى رحمة اله. نتي كطلبي يعطيك. اه ان شاء الله - [00:00:00](#)

المعطي انما هو الله جل وعلا لا سواه. ودرا غلط كبير لأن شحال من مرا وهذا مع الأسف كثير في العيالات. شحال من مرة كتصور ان الى مشات الموضع الفلاني او الحجر الفلاني او الشجر الفلاني او المقبور الفلاني. راه غادي يعني ينفعها بكذا ويبعد عليها كذا ويعطيها كذا - [00:00:23](#)

الخطر لي كيجيبو ابليس ويوسوس به كيقول ايوا نجرب. الى ما نفع ما يضر لا يضر قال ما ما يضر. هذا راه غلط شحال من وحدة كتقول نجرب الى تنفعني ما يضرش غا كيضر كيضر يضر ولا ينفع. كيف يضر؟ لأنه كيجبد لك غضب الله. انتهى. صافي - [00:00:45](#)

ايلا غضب عليك ربي والعياذ بالله. صافي مصيبة. من يصالحك مع مولاك اذا غضب عليك مولا. راه قضية التوحيد في الدين قضية جوهرية اساسية. ما ينبغي للمؤمن ابدان يعني - [00:01:06](#)

اترك لابليس مدخلا من المداخل اليها اطلاقا خصنا نحققو هاد المعنى راه هذا هو اياك نعبد و اياك نستعين وخاصة و اياك نستعين طلب العون طلب الغوث الغياث واحد يغيث الناس هو الله عز وجل - [00:01:25](#)

هو النافع اللي كينفع. وهو الدار الذي يضر جل وعلا بارادته. واعلم ان الامة لو اجتمعوا على ان ينفعوك بشيء ما الا بشيء قد كتبه الله لك. الحديث ديال ابن عباس رضي الله عنهما. كان سيدنا بن عباس هاد الحديث هذا خصو يتحفظ. بالمعقول خاصو يتحفظ مهم جدا - [00:01:47](#)

سيدنا محمد عليه الصلاة والسلام واحد الاختراع راك غادي على الدابة ديالو راكب على الدابة ديالو وغادي بن عباس وليد صغير ولد عمو عباس بن عبد المطلب. ولد عمو عبد الله صغير. كان غلام يعني دري صغير - [00:02:07](#)

لكنه غلام طفل مميز. كيفهم. يعني بحال داك الطفل ديال سبع سنين تمن سنين كيفهم مزيان. تلقى الكلام كيحفظو. يعني الوقت فاش كيدخل بنادم فهاد العصر دياي كيدخل للمدرسة كيتلقى الكلمات وكيحفظ. وعندو القدرة ديال الاستيعاب. ركبوا من وراه النبي صلى الله عليه وسلم. في الدابة. اردفه معه - [00:02:27](#)

الدابة وراكب معاها وغادي بيه النبي صلى الله عليه وسلم. وهو يتلفت ليه قال لو يا غلام كيضحك معاها ولكن كيقريه. يا بني هاد غني زعما الوليد الصغير غي التحبيب كيجبو كيفرح كيفرح به. يا غلام يا غليم اني اعلمك او معلمك - [00:02:47](#)

كلمات جبهة النبي صلى الله عليه وسلم بالتمكيز. ما قالش الكلمات لا كلمات. يعني غادي نعلمك واحد الكلمات مهمين مزيانين. عقل عليهم احفظهم. التنكية ها هنا للتعظيم. قد يرد التنكير للتقليل. لكنه قد يرد ايضا للتعظيم. فان لنا لاجرا. لاجرا اي عظيما - [00:03:07](#)

ابني معلمك كلمات يبدا يشرح لو شنو هو ما هاد الكلمات؟ قالو احفظ الله يحفظك احفظ الله تجده اتجاهك اذا سألت فاسأل الله. واذا استعنت و اياك نستعين. واذا استعنت فاستعن بالله. سبحانه وتعالى - [00:03:29](#)

هذا هو الأساس ديال الحليب هداك لي جاي من بعدو كيغطي النتيجة ديالو لكن الأساس هو هدا. احفظ الله يحفظك احد الصحابة الكبار احد الصحابة الكبار طال به العمر كبر في السن - [00:03:53](#)

ومات النبي صلى الله عليه وسلم ومات جيل ديال الخلفاء الراشدين. وجا جيل ديال الشباب الصغار كيتسماو التابعين. يعني الشباب ديال الامة الإسلامية لي مادركوش النبي صلى الله عليه وسلم ما دركوهش ما شافوهش اما تزدادو فحياتو للخرة فما كبرو ووعاو تا

لقاوه مات ما عقلوش عليه ولا ما تزاودو حتى مات النبي صلى الله عليه وسلم - [00:04:14](#)

هاد الجيل الثاني قرا والتلمذ على الصحابة. كيسميوهم التابعين. فبقاوا جالسين مع هاد الصحابي لأنه ابن عباس نفسو جالسين معاه

وقد كبر سنه كبر فالسن ديالو عمر طول فالعمر ديالو - [00:04:35](#)

وغادي معهم فشي جنان من جنانات دياول المدينة المنورة لأن المدينة المنورة عبارة عن واحة يعني فيها جنانات فجنب ديالها يعني واخا يعني يعني البلاد ديال النبي صلى الله عليه وسلم الحجاز صحرا ولكن فيها الواحات البلاصة اللي فيها جنانات المدينة منهم فيها

الجنانات والنخل فغادي مع هادوك الشباب - [00:04:51](#)

وجا كيجري ونقز فواحد السور بلاما يشد من يديه. يعني الرياضة هادي ديال الشباب لي يديروها في الملتقيات الرياضية جاو دوك

الدراري الشباب يتعجبوا قالوا لي زعما كيفاش هاد الصحة نتا باقا محافظ عليها ونتا كبير في السن ما شاء اله - [00:05:11](#)

حفظناها في الصغر فحفظنا فيها في الكبر ملي كنا صغار هاد الصحاح حفظناها باش حفظناها بعدم اتيان المعاصي ما كان يزني ما

كان يشرب خمر ما كان ياكل مخدرات ما كان - [00:05:30](#)

ما كاين يدير تا شي معصية. فحفظ صحته في الصغر. وحفظو الله في الصحة ديالو. حفظو الله في الصحة ديالو في الكبر. فهذا جزء

من معنى قوله عليه الصلاة والسلام احفظ الله. يحفظك الله هذا الملك. احفظ الله يحفظك - [00:05:47](#)

انت احفظ الحدود ديال اله تعالى. صلي وقتك. صوم شهرك. زكي مالك. ادي حجك. وعبد اله بعد ذلك بالطاعات من النوافل على قدر

القدرة ديالك واجتنب المناهي. بعد من المحرمات اقطع الصلة بينك وبين يد ابليس والطرقان - [00:06:07](#)

اذا صنعت هذا فقد حفظت الله جل وعلا. ويلا حفظت اله كيقول لك ربي تعالى حتى انا غادي نحفظك. غادي ندير لك حفظ يعني

ecnarussa'l محفوظ مضمون الحياة ديالك كاملة. الآن راه يديرو يعني تأمين الحياة - [00:06:27](#)

هذا بالنسبة ليا انا كذب خيال خيال لا يتحقق. ما كاينش لي يؤمن لك الحياة ديالك اطلاقا التسمية سيئة جدا كون غير سماوه شي

سمية خرا. كون غي سماوه شي سمية خرا بعدا ما يقولوش هاد السمية هادي السيئة في الدلالة ديالها. راه يعني مبدأ ديال

ecnarussa'l راه ماشي - [00:06:44](#)

باش نتفاهمو شي واحد يفهم بلادي كنحرم لأن المبدأ ديالو ماشي حرام نهائيا. فين كاين الحرمة؟ الطريقة باش كيخدمو بها. بعض

الصيغ ديال حرام وبعض الصيغ ماشي حرام. فيعني هاد سميتو - [00:07:01](#)

تأمين التأمين التكافلي التأمين التعاضدي هذا من السنة وعندو ادلة قوية جدا انه صحيح ما فيه تا مشكل غي ما يكونش بالصيغ

الربوية فغير باش جبنا باش نتفاهمو مزيان فقلت التأمين على الحياة لأن شكون اللي كيضمن الحياة؟ رب الحياة. هو شي واحد

ضامن لك الحياة يعطيها لك شي وقت ويقلعها لك في وقت هادا الخراب - [00:07:18](#)

فهديك الله تعالى كيضمن لك الحياة. احفظ اله يحفظك ولذلك من الدعوات ديال سيدنا محمد انه كان كيطلب الله تعالى يحفظو في

اسماعنا وابصارنا ما احييتنا واجعله الوارث منا يعني كيقول يا ربي خلي لي السمع ديالي والبصر ديالي سائر. الحواس ديالي والطاقت

العضلية ديالي باش كنتتحرك. ما نزحف ما نعجز - [00:07:38](#)

ما نعوام ما نمرض ما نظراش ما نعمى ما حدي حي. وجعل يا ربي هاد الصفحة هي لي كتورتني. يعني نهار الموت يكون هاد الحواس

ديالي صحيحة ما كيتعبد المومن ما كيعبد معاه الناس - [00:08:04](#)

يعني حقيقة هذا ضمان. التأمين. التأمين حقيقي. هذا اللي كيتسمى العمر المبارك. دعاء البركة في العمر هو هذا احفظ الله

يحفظك. احفظ الله لخرى تجده اتجاهك فينما وحلت تلقى اله معاك. فينما حصلت تلقى الله قدامك. فينما احتجت تلقى اله تعالى

كيعطيك. وفينما تسدو عليك - [00:08:20](#)

ربي تعالى كيفتح لك الأبواب احفظ الله تجده اتجاهك هادي راه هي الولاية الحقيقية. ماشي كتزير عليك الدنيا والضيق عليك الأرض

بما رحبت. ويتسلط عليك اليأس ويجيك الشيطان ويقول لك سيرو - [00:08:48](#)

الساحر الفلاني والكاهنة الفلانية. والشوافة العلانية. يعني من الخراب الى الخراب. والمرأة او الرجل اذا قصد كاش دينا او عرافا فتلك

احدى مصيبتين احدهما اكبر من اخرى يعني اي واحد مرا ولا راجل يمشي لشي ساحر - 00:09:04  
ولا سحارة ولا شوافة. راه واحد فتنين ما كاينش الثالثة. ما كاينش الثالثة. واحد فتنين. وهاد التنين بجوج كلهم مصيبة من المصائب  
الكبرى يا اما مشيتي وصدقتيه. يعني قلتي والله الى هاديك المرا الشوافة عندها الحق. وراه قالت لفانانة وعطت لفانانة وصدق لها -

00:09:24

ادا وقع بقلبك هاد التصديق او مشيتي فعلا فقد كفرتي بما نزل على محمد عليه الصلاة والسلام بنص الحديث الصحيح المليح من اتي

فصدقه بما يقول فقد كفر بما نزل على محمد عليه الصلاة والسلام - 00:09:44

فقد كفر بما نزل على محمد عليه الصلاة والسلام. يمشي بنادم يجدد ايمانو. يجدد ايمانو صافي. لأنو عرفتو اش وقع بعدا الكاهن او

الساحر او العراف منين كيتلقى المعلومات ديالو؟ من ابليس - 00:10:00

ما يهمنيش فخليتي اله المصدر ديالك الحقيقي ومشيتي للعدو ديال اله. كيفاش بغيتي ربي تعالى يرضى عليك؟ يسخط ويغضب -

00:10:16